

國
朝
文
錄

午亭文錄卷三

澤州陳廷敬說巖著

後學上高李祖陶欽之評點

高安羅 楷希孟校刊

○○○太子太保兵部尚書總督江南江西諡清端于公傳

公諱成龍字北溟永寧人先世仕明者諱坦有聲宏治朝官至大
中丞父時煌里中稱長者明末盜起西疆里中築堡于公先壠傍
形家者言堡成不利于氏公笑曰我里千家保聚獨我家不利害
少而利多堡當築矣堡成卒無害公生而才智絕人攻場屋應舉
之文中崇禎己卯副榜入國朝仕爲羅城令羅城秦桂林地故

從令羅城順起

多瘴癘。又獠獠頑黠不可治。仕或自罷去。公喟然曰。荒徼皆吾民。土惟國家所使。人生仕宦。豈擇險易哉。且羅城可遂無官耶。單裝徑往。羅城無城郭廬室。居人數家。公廨在叢篁深箐間。披草木入。得微徑。插籬棘爲門。牖虎。猱。獠。擲白晝行。庭中陽陽穿壤壁去。公卽庭中累土爲几案。其傍置爨一釜。一孟。炊煙併日。召吏民來前。從容問所苦。喻以急公敬上之義。申令行事。吏民皆爲言。咿嚶與之語。心耳遊絕。公解析譬曉。神色愷易。良久皆欣然拱聽。旣去。則據案讀書。以數錢貰惡酒獨酌。醉則隱几而臥。或竟日不冠履。旣數月。吏民樂公坦懷益樂。就當是時。西粵數叛服。羅城民皆竄山。

谷而猶獐與大姓相讎殺民既失業則阻險爲盜他令或飾威規
利民益疑畏不敢前公至則悉除諸禁附循殘氓誠意憐惻感人
人皆自至以田賦親輸公手或畱數錢置案上公問何意曰阿耶
不要火耗不謀衣食甯酒而不買乎公感其意爲畱數錢計得酒
一壺而止民益親愛因與朝夕問地方利害悉得其要領編置保
甲約束獐民盜皆屏跡先是鄉獐殺掠我人畜歲二三至以爲常
至是鼓勒鄉勇將進搗其巢獐大震懼自誓不敢犯界上歸所掠
人畜夫然後民得安居盡力於耕稼之事矣每春時命兩獐舁竹
兜行田野中見力耕者輒呼與語相勞苦民知公來皆率婦子環

公羅拜或坐樹下與飲食笑語歡如家人嘉其勤而穫者愧其惰者荒蕪者民大勸悔稊稊被野牛羊滿山公以其暇日增陴浚隍招民入居新築室者公手書題額或門聯以示獎異立學宮教民其中能讀書應舉者免徭役民俗輯和獨數大姓者負勢不爲下其人皆號總戎侯伯嘗指揮長吏恣爲殘虐公曰此曹向皆倚恃獠獍盜賊爲之爪牙一逆其心則立致亂變是故他令多匿意阿忍之今吾威令已行民服禮教此曹可令終不悛耶會一大姓執其僮予公屬致之死公訊當與杖視之已杖矣因怒謂爾旣歸之官則有朝廷法在何得先自擅刑藐官蔑法乎此之跪將杖下之

獄大姓大恐叩頭謝死罪移時始得免公乃爲陳順逆禍福之理遂大感悟自是數大姓皆奉法以公事至者望籬門股栗項縮無復跳跟桀驚於公庭之上者矣三年政成臺使者勅粵中令以羅城爲法公乃牒上寬征徭疏離引諸利弊所宜興罷者行之民愛敬如父母焉公自來羅城從僕皆散去二僕病不能去旋亦皆死羅人憐公每晨夕視問安否間斂金錢跪進云知阿耶苦我曹供些少鹽米費耳公笑謝曰我一人何須如許物可持歸易甘旨奉汝父母一如我受也眾怏怏持去居數年家人來羅人則大喜奔譁庭中言阿耶人來好將物安家去又進金錢如初公又笑謝曰

○而○夢○覺○之○字○即○起○下○段○

以上寫羅城○政○績○

此○去○我○家○六○千○里○單○人○攜○貨○適○爲○累○耳○麾○使○去○眾○皆○伏○泣○公○亦○泣○

卒○不○受○丙○午○秋○試○辦○事○外○簾○公○布○袍○數○浣○破○被○如○鐵○一○蒼○頭○從○眾○

私校一節以見其賢

簾○官○皆○美○服○盛○飾○儻○從○姣○好○公○衣○敝○垢○藍○縷○諸○吏○人○皆○指○目○揶○揄○

之○大○吏○夙○聞○公○名○指○衣○敝○垢○藍○縷○者○曰○必○羅○城○令○也○諸○吏○人○皆○相○

顧○愕○貽○于○是○大○吏○委○公○以○試○事○使○專○督○之○事○無○不○精○當○者○因○與○極○

論○時○事○所○宜○及○古○今○成○敗○是○非○得○失○之○跡○公○掀○髯○抵○掌○詞○氣○激○昂○

語○有○倫○要○大○吏○甚○器○重○之○交○章○舉○公○卓○異○在○羅○城○七○年○遷○知○合○州○

公○復○牒○十○事○上○幕○府○皆○爲○公○行○之○去○羅○城○羅○人○遮○道○呼○號○公○今○去○

我○儕○無○天○矣○追○送○數○百○里○哭○而○還○一○眇○者○獨○留○不○去○公○問○故○曰○民○

習星卜度公橐中貲不能及千里民技猶可資以行也公感其意
因不遣去會澤雨貲盡竟賴其力得達合州州領三縣合計纔遺
黎百餘人正賦十五兩而供役繁重不支官有騶從之費公盡除
○事○以○後○寫習弊畜一羸馬以家僕自隨府帖下取魚公曰民脂膏竭矣無憐
而問者顧乃欲漁吾魚吾安所得魚乎卒不與府中魚因極陳荒
殘疾困狀郡守笑謝爲裁革十餘事公念合州民多流亡往時新
歸流戶便卽力役而墾田旣熟土著訟而爭之以故集者復散公
皆爲區畫田廬牛種官立案籍復三年而後同新集者旣知田業
可恃爲已有而復無征發倉卒之憂遠近悅赴旬月之間戶以千

黃州專寫其治盜

計未幾用前卓異遷黃州同知分鎮岐亭岐亭當黃麻偏界地多
漢湖幽壑盜所窟巢時急盜案官文法頗繁長吏至諱忌不欲聞
盜盜反持畏吏所忌白晝行劫莫敢何問公捕得九人集諸父老
謂之曰此皆巨盜彼特捕後上解則牽制官吏長短往往得脫今
以示諸父老有能保後不爲盜者吾將賁之否則盡吾法諸父老
願以身保者二人立命銀鑄駢首繫七賊卽諸父老前爲坑坑之
盜自是驚匿嘗草笠蹇驢微行邨堡以周訪山川要害間里之情
僞賁大盜責以捕盜自贖捕輒得無脫者四方來謁者無貴賤皆
接以恩禮延問利病咨訪人物是以所興舉悉中人情黃州境壤

蒸蒸樂土矣。攝漢陽黃安通城事。皆先絕火耗。飭保甲。所至輒著
異跡。操守益自危苦。惡衣疏食。以圖民之急。巡撫張朝珍雅重之。
特以卓異聞。會滇逆亂。作檄攝武昌事。問禦亂之策。公對以安人
心。莫先停徵。求時朝珍草疏欲奏。公意與合。以故凡兵事皆倚公。
以辦。公悉意。壁畫羽書交馳。師旅雲集。軍資億萬。皆咄嗟而具。惡
少憑依。禁旅罔敢指問。公立置之。法自大將軍申明軍令。甲士十
餘萬。擁公忿譴。公不爲動。詞譬理解。神色抗厲。知公不可奪。皆徐
斂去。或謀得武昌大姓與賊交通。指藏器仗爲證。朝珍欲發兵捕。
而召公公言。自烽警以來。武黃諸巨家多盡室避兵。良子湖中家。

武昌以下則大都治兵尤著勞

人藏兵械以備他盜耳。若遽加兵，人人恐矣。跡之果無他，公之鎮定知大體多此類也。用卓異，遷知建寧。朝珍奏改武昌。時逆賊陷岳州，長沙我師進勦，取道蒲圻。朝珍檄公往造軍，所渡橋賊鋒迫近蒲圻，人潰驚城郭爲墟。公入城嚴斥堠，戢逃兵，招集居人，城以不墮。通我師，岳其之徑旬，日成橋。山水暴漲，橋復壞。公以此去職。會東山亂作，朝珍謂公極知君勞苦，然非公莫可辦賊。公曰：國恩至重，公知遇最深，敢辭艱乎？但黃州東連廬皖，北接光固，據三省形勝，控制七十二寨，其人剽悍，善鬪阻險，跳梁難以猝勝。若公見委，須便宜行事，方敢受命。朝珍大喜，自起酌，公曰：君肯任事，吾無

憂矣。勦撫一以聽君。需兵幾何。公曰。賊眾我寡。兵多適資亂。以前

補、叛、緣、起。

守蒲圻。數人與俱足矣。遂嚴裝以行。初東山之亂也。妖人黃金龍
詭言得天書寶劍來往興寧山中。煽惑愚民。匿跡黃麻劉君孚家。
君孚點猾多智數。收召亡命。亦數數能禽獲盜賊。守令多其能。每
撫而用之。公鎮岐時。君孚亦嘗居門下。後得演逆僞劄。遂與金龍
潛結河南江西諸渠魁。私立將帥。眾號十萬。約以七月起事。會有
人欲發之。君孚恐事洩。遂以五月望反於曹家河。黃守將王宗臣
率所部兵駐興福寺。麻城令屈振奇率鄉勇駐白杲。約日進攻。君
孚夜遣七騎斫黃將營。鄉勇亦自潰。退保麻城。賊勢甚張。而諸盜

所在益蜂起。公行次陽邏。偵知君孚雖反。以眾未合。猶豫持兩端。妙用所以救黨遂兼程抵白果。距賊十里止宿。榜示脅從者自首免罪。誣陷者卽赴訴。過三日以從賊論。於是投訴者日千計。公皆宥之。賊勢大孤。君孚及其黨素服公恩信。聞公來皆莫有鬪志。欲卽降。恐見誅。惟擁眾自固。公度君孚倉卒反。其眾未聚。可就撫。若旬日黨合。則難圖矣。遂命白果鄉約一人持檄往。命太守來待。以不死之意度已至賊所。公則獨騎一黑騾一益。鐙與二人徑趨賊寨。未至二里許。命鳴鑼前導者行呼。太守來救。爾山中人君孚不虞。公自來。倉皇匿後山。令數百烏銃弩夾道伏。望見公皆燃火。搥弦擺鑼。公

公不顧直前賊亦卒不敢發至寨門門開公入舍下騾卽廳中坐
眾賊環列其黠者率眾羅拜公問老奴安在老奴君手也以舊居
麾下故易暱之眾云暫出頃可至矣又姁姁問今歲山中雨暘禾
稼若何若良民何作賊取屠戮耶時酷熱若父母妻子匿何所得
無苦乎眾皆泣公曰熱甚須少憩令賊爲脫鞵取水飲或支檟揮
扇餘四圍牆立公熟睡有鼾聲如雷賊驚異不知何爲移時寤又謾
罵君乎老奴何爲久不至豈有客至不設酒脯者君乎初意公必
以兵來且懼見紿故深自匿及見公推誠無猜趨出叩頭訴所以
激變故公爲開陳利害順途許以招撫約日而還至日盡降其眾

數千人黃麻數縣皆解嚴朝珍上其事於朝再命公知武昌朝珍檄公留麻城公親歷卹落度地形所宜分立區保籍其區之有勇力若火藥兵械者爲煙民以懾者畏之曰遇警而集蹤跡疑者區長自逐之容隱者同罪於是前與君孚金龍潛結爲賊者皆隸煙民樂爲用秋七月經畫有緒行還武昌當是時金龍聞君孚所君孚旣無所用金龍因縱之逃與紙棚河賊鄒君申合公次岐亭移檄東南區長得二千人率門下諸生數人督兵進討駐望花山君申初謂公已還武昌今忽聞以兵來大驚退保山寨公遂賊新反未獲食少利速戰而我兵驟集攻之不如困之乃分軍圍其三

面度賊走必徑黃岡馬鞍山故不守而陰伏兵嶮峽間君申金龍
果糧絕夜走馬鞍山過伏盡禽公坐山上受俘金龍縛急欲以妖
術遁公手劍叱之術不得施遂斬其首捷至武昌朝珍持露布示
寮屬曰人謂我不應用醉漢今定何如公酒無量嘗爲簾官與大
吏抵掌論事時觴公公飲輒數十巨觥露幘袒袖酡顏瞋目而語
吏人皆竊笑公酒狂及往東山或以爲言故朝珍云然也疏聞晉
級八月調守黃州時荆岳兵事急公外輸供億內靖奸宄郡壤以
寧十月江西賊犯湖口傍掠興寧蘄州戒嚴又滇逆密布僞劄書
湖北地復大亂陳鼎業合逃兵掠驛馬反陽邏何士榮反永寧鄉

劉啓業反石陂周鐵爪鮑世庸反白水畝各擁眾數千人號稱十萬遙連湖口寧州諸賊約以十月上旬取黃州遂及武昌漢陽高山大湖烽火相望城門皆晝閉墟里寂無人各鎮援兵悉隨大軍進攻湖南黃州餘吏民才數百人至不能備閤柝議者欲棄黃州

如何勢

此真難措手時須看其

退保麻城公曰黃州爲湖北七郡門戶我師屯荆岳者數十萬水陸轉運取道於此且瀕江而城控制阻險前倚興寧廬阜後壓天堂金剛諸寨實東南關鍵釋此不守則荆岳有狼顧之虞七郡成瓦解之勢所繫非僅一城已也吾誓死不能去此然吾坐困以待不若相機進勦猶可僥倖以圖存賊勢雖眾皆取士榮進止若先

破士榮餘可不戰而下。於是徵各區鄉勇，又分守山隘，令逃民不得入。介賊別遣黃岡令李經政攻鼎業，禽其父子。陽邏平。十一月二日，率諸生及吏卒二十二人前進。時千夫長百夫長李茂昇、羅登雲、吳之蘭以所部來會。各區畏讀公檄，皆感憤灑泣，厲鄉勇以同讎之義，漸次輻輳得二千人。於是立什伍，標旗幟，號令明整。卒如素習，部署甫定，謀報士榮。已據黃土坳，公遣登雲偕武舉張尙聖以偏師往偵。自率大隊遂發。七日，尙聖等遇賊前鋒，與戰。賊小卻。公疾馳抵尙聖營，眾見公來，歡譟請賞。公無以應，惟用言語意氣拊循慰勞，眾感泣，氣益增。下春鄉勇大集，有眾五千人，屯循金。

寨下與賊對壘。八日黎明，士榮賊數萬，自牧馬厓分東西兩路夾攻我師。賊皆手揮紅雜色旗，照耀山野。公著舊絨衣，匹馬仗劍當營門立。見東路賊少，命登雲率千人禦之。自以大軍當其西，命尙聖攻右之蘭，攻左公衝其中堅。戰甫合，之蘭中鎗死。賊鬪益急，礮火如爆豆，著處皆穿。左右勸公盍少避，公叱之曰：「今吾死日也。」敢言退者，斬我軍。見之蘭死，又被傷者眾，少卻而鎗金寨後。民素爲賊誘，見我軍卻，鼓掌譁譁，袖出小紅旗相摩麾。公見勢益急，鞭馬徑前迴顧，茂昇曰：「我死可歸報。」張公茂昇恐失公急發一矢，翦其天旗。我軍少進，茂昇馬被創倒，茂昇步射殺二人，鎗洞衷甲，乘他

馬以進短兵相接復手刃數人而尙聖自右山繞出賊後我軍急擊盡奪其旗賊遂大敗士榮手長矛殿後左臂斷猶力戰陷泥中遂破擒登雲擊賊東亦追奔數十里是役也斬馘數千山谷填溢○降君乎以○口○舌○破○士○溪水盡赤獲軍資器械無算檻送士榮於朝珍公得賊名籍立焚之眾心以安乘勝進至呂王城茂昇等欲少息公曰白水石陂諸賊本以士榮爲盟主今士榮既擒諸賊膽落捲甲疾趨將自崩解所謂破竹之勢不可失也若淹留晷刻賊據險致死矣時諸營才午炊公命盡覆其釜以進據鞍草檄有能擒賊來獻者重賞投誠者待以不死脅從而歸者但閉門坐家無軍器者卽從賊概不追

○率以○船○勇○武○黃○州○事○以○此○而○優○爲○大○

○降君乎以○口○舌○破○士○

問身無鄉勇印號家藏兵仗卽良民亦誅死於是眾賊聞士榮擒
既大悔懼及得檄誓又知毀其名籍一時解散略盡師至白水販
鐵爪世庸等尙有親兵數百人欲保什子寨公已先令人守隘不
得上脫身走君孚十一日軍定惠寺遣追盡擒之而石陂等賊亦
皆平公駐黃市撫戢軍民東山人定散各路鄉勇歸農勒石黃市
歧亭間班師而還結自出軍至是僅二十四日以鄉民數千破賊數
萬不費公家粒粟不煩師旅徒手奮身摧鋒陷堅而奏膚功此近
世所希有也當此時荆門岳湖燧火相望對壘連疆耕戎交跡內
患旣消邊圉孔固公之功在天下而不在一隅矣十四年春湖南

兵久不解。公于征斂轉輸重紓民力。而行間所需物用器什文檄
橫飛。旁午紹繹。公皆躬自購造。不假胥吏。省民費以千萬計。嚴飭
屬邑禁。耗絕私派。懲誣告杜饋遺。以其隙招致文學之士。講論
經學。興起廢墜。人若無兵。秋大饑。發廩賑卹。廣募輸積。嚴冬冒雪。
計口受賑。全活數萬人。十五年水旱洊臻。訛言復起。公謂人心易
搖。宜示以暇豫。與爲鎮靜。修治赤壁亭榭。日與文武寮吏歡詠。飲
射其間。士民相與慶曰。我公如此。吾屬何憂。又以秘計擒詰奸細。
撫定內黨。流殲頓息。會丁繼母李夫人憂。士民數萬人伏撫軍轅
門號咷。請留制撫。亦心知公不可去。疏請奪情。公勉起視事。十六

年制撫以蘄州上接荆武下臨海吳南連大冶興國東鄰宿松太湖。水陸要區奏復江防道以公爲之三奏而報可公規復沿江墩戍繕治戰艦練習水師計擒僞官渠盜江境肅然十七年遷福建按察使士民請留不得朝珍曰公去失吾所憑公條便宜十餘事乘五輜小舟蕭然去楚去之日蘄黃及旁郡人沿岸遮送至九江者數萬哭聲與江濤相亂公亦垂泣不忍視十八年春抵閬時耿精忠亂新定海寇犯漳泉四郡連數歲用兵徵役煩苦又數起大獄繫滿囹圄每一卷牘權重辟者輒至數十百人獄皆已具公視之怛然謂民命所關甯以獄旣成而可不慎乎時以親王主兵事

語聞王令公會滿漢大臣覆錄。公言通海數案。所牽引半皆平民。○爲○按○聚○便○遂自王釋不問。或有持輕重兩可。公已盡得其狀。侃侃面折。不爲屈指。庭下婦人孺子曰。此曹皆何辜。乃櫻斧鑕。皇天在上。人命至重。吾誓不能。臧阿從事。王久聞公名。至是愈益傾折。每疑案予公專訊。讞決。明允所生。全以千計。其久繫得白。貧不能歸者。皆給貲遣還。淹滯爲之一空。未及朞。遷布政使。閩地久駐兵。重資民力。莖夫月計數萬。公白王。軍人芻牧本有常役。今民困方殷。矧忍橫派。悉索耶。力爭請免。或謂非所職。何自苦爲。公曰。設兵以爲民。無民設兵何爲。調停者。復議改折。公爭之益力。王卒是公言。嚮所科莖。

夫數萬一日盡皆罷去。民既樂公德愛。凡軍中所需。乃益趨事。恐後。八郡正供。及江浙協餉。不下數百萬。皆司庫收。公大書揭庭中。命皆應時收正項。外不增銖黍。卽令原解官役。計項支撥。略無虧累。署中薪米。不給至無衣可典。或終日一食。隨征滿漢大臣朝使者。有時來過。徑入臥內。或繞署閒行。曲房阿閣。無不歷覽。几案間蛛絲鼠跡。一竹筥貯朝服。一釜備炊爨。文卷書冊數十束。此外都無一物。咸歎曰。于公清苦天下第一也。外番貢舶。或有所獻。公悉屏斥。或呈樣香一。輒卽持還去。貢使皆嚙指作禮。謂譯使云。天朝洪福。我儕實未見此清官也。將軍制撫交章論薦。舉卓異十。

九年春開府畿內去閩亦如前去楚時也駐節上谷郡邑吏望風爭自濯磨求稱公意會旱步禱時雨大沛禾麥重歧三穗民號曰

乃起雖亦只○淡寫

于公穗立保甲申約束緝劇盜懲豪強政大修舉所條上利病興

除前後數十事皆朝上夕報可語在奏疏中不具載二十年春督

理孝昭皇后梓宮前詣山陵過闕請陛見

上久知公清忠著有勳勞而魏公象樞又嘗特薦公眷倚特甚至

是聞公入見命侍衛持席於午門中傳諭巡撫年老不勝步宜少

坐公拜謝坐少頃入見賜坐賜茶問撫勦東山時事溫語移時賜

食於御書房賜內帑金一千兩天閒馬一匹既數日上御製詩

一章及御書手卷命閣臣宣賜山陵還過闕賜鞍馬一匹馬
上所乘也蓋自是隆禮異恩不可殫紀惟上知公之深故尤重
之如此是年冬請歸葬母夫人得俞旨數日命總督江南江西單
騎孤裝如赴羅城時方公之節制兩江也初被命卽已廉得陋習
數十事比至則揭之通衢數剪除豪吏大猾隱蠹舊弊神明洞察
如親至目覩墨吏日數十驚出見白將倖軀長者輒膽落謂公微
行公亦數微行以實之檄郡邑條具便宜皆爲興舉郡邑吏無不
畏愛趨令南中風俗素侈麗厚自奉美服游冶聞公來公私皆爭
衣布褐布褐價騰貴而賤綺縠文繡公知人心漸卽於普通專用

德化誨導之凡文議爰書皆手自批勘第其甲乙以示褒貶自雞
鳴至夜分不休寢食爲廢或勸之少息輒曰吾非不知食少事繁
養生所忌第吾受國厚恩兩江官吏多至千百何可盡劾耶所
以爲此者冀其見聞知警歸於廉慎吾雖盡瘁國家所得不已多
乎性善飲至是累月不一醉嘗中夜苦饑索少米作糜不得遂笑
而起視事達旦時上下貺遺都絕端午日遣視察吏無敢以黍角
諸節物相饋者童孺攜金錢過市門交易而退無敢欺吏民安恬
有歌笑而無管絃有醉飽而無羞錯商旅輻輳關市流通每一令
出父老扶觀有讀之垂涕者公之清嚴忠直勤勞國家利濟民生

者大較如此。二十三年春，被命巡海還。護理安徽江蘇兩巡撫。印四月十八日晨起視事，未出戶，疾作。召諸司語，不及家事，端坐而逝。年六十有八。將軍都統寮吏來至寢室，皆見牀頭敝笥中，惟綈袍一襲，靴帶二事。堂後瓦甕米數斛，鹽豉數器而已。無不慟哭。失聲。輓歸，士民數萬人步二十里外，伏地哭江干。江水聲如不聞。公之得吏民之心，江寧人謂數百年來無能如此者。士民立祠於清涼山，如黃州之赤壁云。訃聞於朝。天子震悼，祭卹有加。已而上東巡還，謂內閣九卿詹事科道曰：「國家澄敝官方，首重廉吏。其治行最著者，尤當優加異數，以示褒揚。」故江南江西總督于成龍。

操守端嚴。始終如一。朕巡幸江南。延訪吏治。博採輿情。咸稱居官
清正。爲今古第一廉吏。應加褒卹。爲內外大小臣工勸其詳加議
卹。以聞。於是集議加太子太保。謚清端。廕一子入監讀書。蓋

上於公禮意盛隆。初終罔替。由公以來士之以風節著者。皆知慕
倣公。則豈獨公之爲幸也。與公剛介沈毅。強力多智。正直自持。不
此以下原爲生平瑣事。亦一節不

少回曲。而臨事決機。應變無方。蓋其誠與才合。識與力并。故所至
能舉大勳。而著令名焉。初東山亂時。劉君孚爲逋逃主。黨羽甚眾。
公欲用其力。而實患之。會黃金龍就擒。公亟與衣分俸。得百金賞。
之眾皆不平。謂君孚匿金龍。何反被賞。公曰。金龍之擒。實由君孚。
此○事○如○此○

○密○計○君○等○不○知○耳○其○黨○以○爲○然○又○見○君○孚○果○得○百○金○不○讓○於○是○益○
○疑○君○孚○實○賣○金○龍○其○黨○各○稍○稍○散○去○而○公○又○因○以○縱○閒○離○其○親○屬○
○君○孚○計○益○窮○遂○鬱○鬱○以○死○公○嘗○曰○人○命○至○重○上○天○好○生○自○非○精○察○
○確○訊○若○冤○殺○一○人○便○應○以○命○償○之○故○多○徒○步○獨○行○或○策○蹇○疾○驅○雜○
○田○夫○旅○人○中○偵○聽○野○籬○卽○店○樵○牧○童○叟○之○語○以○是○疑○情○細○事○無○不○
○如○犀○然○燭○照○遺○使○往○察○事○人○亦○不○敢○欺○也○而○往○往○蹙○額○哀○矜○多○所○
○減○宥○一○日○逮○一○盜○盜○嚴○釀○甚○公○曰○吾○知○汝○已○改○矣○汝○傳○語○若○黨○改○
○行○與○否○官○必○知○之○質○誅○隨○之○矣○賜○以○酒○食○放○歸○一○竊○者○公○訊○之○曰○
○汝○竊○也○未○至○死○汝○所○知○某○某○皆○巨○盜○罪○應○死○然○能○自○新○吾○亦○赦○之○

今釋汝歸語若輩羣盜聞之皆大畏斂跡。闔囚數十人當斬。公察知其枉。白王。王下其事。獄詞六七返不決。公度此終不得卽脫。卽取囚出坐之階下。與飲食。去桎梏。凡囚臨刑給食脫械。眾囚謂卽死。皆相對啼呼。忽聞傳語。冤已白。令歸復業。乃驚喜不自持。狂叫叩頭出血。時滿漢吏方有事至公署。亦感激雨泣。自是羅織之風少衰。當事聞囚已盡釋。亦無以奪之也。公之緝盜。惟善用人所蓄游徼。及降盜。恆撫以恩威。四方有盜。此數人皆得來。先白公。帶閒繫一布夾袋。得盜名。卽投其中。自劇賊偷兒蹤跡畢具。探袋中名。勾捕無不得。開府時袋已敝。左右請去之。公曰。此袋昔貯盜。今以

貯。酷。墨。吏。未。可。去。也。公。自。言。人。見。我。發。奸。摘。伏。疑。有。他。術。不。知。皆。
古。人。成。法。第。因。時。宜。行。以。誠。心。求。耳。公。每。論。事。輒。稱。曰。上。帝。式。臨。
或。曰。天。監。在。茲。蓋。往。往。夢。寐。與。神。明。通。故。其。斷。獄。制。事。亦。若。有。神。
相。之。者。公。軀。幹。修。偉。紅。頰。隆。準。美。髭。髯。精。神。炯。炯。四。映。平。居。與。人。
交。不。擇。貴。賤。談。讌。終。日。略。不。拘。忌。及。當。大。事。若。羣。議。會。獻。有。所。可。
否。雖。王。公。大。人。不。爲。少。貶。性。極。慈。易。而。御。物。整。嚴。賓。客。故。人。有。時。
通。存。蔬。食。菜。羹。言。娓娓。不。倦。或。當。歡。笑。一。語。涉。私。卽。正。色。斥。詰。諸。
吏。望。公。威。若。負。霜。雪。及。論。說。籌。諮。輒。霽。顏。商。確。務。盡。事。理。以。是。雖。
見。嚴。憚。愈。益。親。樂。之。凡。公。語。言。文。字。單。詞。斷。紙。皆。可。以。感。人。心。輒。

習。尚。不。悉。載。載。其。與。友。人。荆。雪。濤。書。書。言。羅。城。事。略。曰。廣。西。柳。州。羅。城。偏。在。山。隅。上。司。環。繞。山。如。劍。排。水。如。湯。沸。蠻。煙。瘴。雨。北。人。居。此。生。還。者。什。不。一。二。土。民。有。猺。獞。豺。狼。之。種。帶。刀。執。鎗。性。好。鬪。殺。父。子。兄。弟。反。目。操。戈。恬。不。知。怪。順。治。十。六。年。冬。初。入。版。籍。成。龍。以。十。八。年。之。官。選。投。後。親。者。不。以。爲。親。故。者。不。以。爲。故。行。李。蕭。條。次。清。源。同。年。生。王。君。吉。人。所。其。人。慷。慨。好。義。反。覆。開。譬。謂。粵。西。非。吉。祥。地。夙。知。成。龍。家。食。尚。可。自。給。勸。之。勿。往。成。龍。時。年。四。十。五。矣。然。英。氣。有。餘。私。心。自。度。古。人。利。不。苟。趨。害。不。苟。避。之。義。何。爲。也。俯。首。不。答。王。亦。默。知。其。意。揮。淚。別。去。抵。舍。別。母。及。妻。兒。典。鬻。田。屋。得。百。

金○搗○蒼○頭○五○人○頗○壯○勇○可○資○瀕○行○族○屬○老○稚○相○餞○歡○飲○至○夜○扶○醉○
就○枕○而○天○已○曙○矣○大○兒○廷○翼○爲○諸○生○已○久○猶○謹○朴○如○處○子○以○田○產○
文○券○歷○歷○付○之○但○命○之○云○我○爲○官○不○管○汝○汝○作○人○莫○想○我○而○已○拜○
別○先○祠○不○覺○腸○斷○門○內○外○但○聞○哭○聲○不○復○回○顧○此○時○壯○氣○直○可○吞○
搖○撞○而○餐○煙○瘴○也○行○及○湖○南○冷○水○灘○臥○病○頓○連○扶○掖○陸○行○至○桂○林○
謁○上○官○見○羸○體○伶○仃○驚○憫○特○異○皆○勸○以○善○調○治○勿○亟○赴○羅○城○抱○病○
之○人○至○是○膽○落○往○日○豪○氣○不○知○消○磨○何○所○矣○病○幾○危○苦○孽○未○盡○不○
速○死○及○柳○州○稍○瘳○尙○不○知○羅○城○在○何○許○也○羅○城○與○融○縣○沙○翠○連○界○
行○至○沙○翠○過○鄉○老○細○詢○之○乃○知○對○山○卽○是○羅○境○登○山○一○望○蒿○草○滿○

目無人行徑。繞山都似營壘陣場。瘴雲慘淡。苦霧淒迷。回憶同年
生之忠告。不置也。入縣中。居民僅六家。宿漢壽亭侯廟。支牀周桓
侯背後。永夜不成寐。明日到縣廷。無門垣。草屋三間。東斷爲賓館。
西斷爲書吏舍。中闢一門入。亦屋三間。內廨支茅穿漏。四無牆壁。
鬱從中來。病不自持。一臥月餘。從僕環向而泣了。無生氣。張目一
視。各不相顧。無如咎孽未盡。死而弗死。乞歸無路。扶病理事。立意
修善。以回天意。凡有陋弊。清察釐革。自以分死一官。而已。命不殞。
累及僕。從黃瘦如壁。晝陰鬼相對而泣。莫能救。無幾。何一僕死。餘
僕皆病。成龍自忖。一官落魄。復何恨。諸僕無罪。何苦貽累。叮嚀令。

各逃生一僕蘇朝卿仗義大言若今生當死於此去亦不得活棄
主人流落他鄉卽生亦何爲餘僕掉頭不顧當時通詳邊荒久反
之地一官一僕難以理事乞賜生歸當事者置之一笑而已無何
蘇僕亦死其年逃僕歸家大兒續覓四僕來而三僕又前後皆死
止存一僕晝夜號咷如風魔欲遣之則一人難以遠行且此僕歸
則子身更苦無奈其恩歸日切遂聽其浩然長往萬里惟餘一身
生死莫能自主夜枕刀臥牀頭樹二鎗以自防然思爲民興利除
害囊無一物猺獠雖頑無可取之貲亦無可殺之讎也事到萬不
得已時只須勉強爲之中明保甲不得帶刀攜鎗咸遵無犯間有

截路傷命無蹤盜情必務緝獲隱昧情事盡心推詳必得真實立
時誅戮懸首郊野漸次人心信服地方寧靜而上官採訪眞確於
是有大事殺了解省小事卽行處決之通行羅城雖安而地與柳
城西鄉接境其人祖孫父子生長爲賊申明當事輒以盜案爲艱
置之高閣竊自思漸不可長身爲民父母而可使子弟罹殃咎乎
約集鄉民練兵親督勦殺椎牛盟誓合力攻擊先發牌修路刻日
進攻此未奉委命而擅兵自揣功成亦在不赦之條矣但奮不顧
身爲民而死勝於瘴病而死也渠魁俯首乞恩請和擄掠男女牛
畜皆送還仍約每年十月犒賞牛酒敢有侵我境者竟行勦滅盡

獐人不畏殺。惟以剝皮爲號令。而鄰盜漸息。至是上官採訪更確。反厭各州縣之請兵。不已報盜不休爲多事也。嗣後官民親睦。或三日或六日環集問安如家人父子。言及家信。杳絕悲痛如切已。膚土謠云。武陽岡三年必一反。比及三年甚憂之。蓋人旣和謠不驗矣。又云。三年一小勦。五年一大勦。比及五年又復無事。而民俗婚喪之事亦皆行之。以禮感之以情。羅城之治如斯而已。自數年來本非爲功名富貴計。止欲生歸故里。日二食或日一食。讀書堂上坐睡堂上。毛頭赤腳無復官長體。夜酒一壺。值錢四文。無下酒物亦不用箸。快讀唐詩。寫佳語痛哭流涕。並不知杯中爲酒。爲。

淚也。回思同僚諸人，死亡無一得脫。與言及此，能不寒心。赴蜀之日，益勵前操，至死不變。此數年之大概也。偶書寄以發知己萬里一嘅。余昔過上谷，公自言一生得力在令羅城，蓋其澹泊之操，堅危之節，始卒不渝。老而彌厲者，已預定於此。故余獨載此書，以見公之志焉。

新楚陳敬居士集中有楊繼宗傳

陳延敬曰：異時吾陽城楊公繼宗，天下稱清白吏，所首指名者也。予爲史官時，陽城田侍御在京師，京師一老嫗往來侍御家，閒嘗譚語云：某不愛錢，豈楊繼宗耶？楊公去嫗時三百二十餘年矣。而嫗能稱說之，蓋當時名聞天下，後世婦人女子猶皆習聞其名而

尊美焉。凡爲士者。可不嚮慕乎哉。予感嫗言。而心識之。其後與衛文清公周祚。魏果敏公象樞。布政畢公振姬。數公者。遊數公天下。之所謂廉吏也。皆晉人在陽城二三百里間。夫天下清白吏。不易得。而爲世所指名者。乃獨多在於晉。可謂盛矣。乃今又得于公。于公之清操偉烈。章章如是。千百年下。必有如老嫗之稱楊公者。可無以余文爲也。獨是余公之鄉人也。旣多賢人之迭出於其鄉。而又嘗職在史官。親見聞公之行事。廢名臣之烈。涇鄉先生之蹟。咎莫重焉。故次敘之。傳曰。高山仰止。景行行止。雖不能至。然心嚮往之。余生賢人之鄉。而志其操行。亦將以爲取斯也。

于清端公清苦如海忠介才智如王文成治盜方略奄有趙廣
漢張綱之長而拊循罷民又不減召父杜母之治績明良相遇
恩禮始終則又古人之所不及矣文用全力寫次雖過於詳密
而遭鬱古茂如讀班范二書。後幅數小段似可刪然傳末謂
并其軼事載之故亦愛不忍割第汰其稍冗者五六十行此傳
體裁詳密氣味古雅分之各段有小結構合之又成一大結構
左傳班書皆係此體近世講古文者只解淡寫空描不能明徵
實敍大人物何由見于後世耶亟須讀此等文以救之

○○張太恭人傳

張太恭人者、德州人、通詩春秋傳及羣書、嫁爲田大夫妻、大夫妻順治中以進士知麗水、有能名、卒於官、恭人取廷中牘籍勾稽檢覆、召管庫謹視賦徭所入、曰代者至則必以是淹吾行、吾貧不能賂、庶謹備之後代者至、果以爲言、恭人牒太守請自臨、督太守王君來坐縣堂上、恭人身自立堂下、見太守顧家僮持籍以進、太守按籍閱所入出、無一舛漏者、代者屈恭人得以大夫槐行、當此時恭人提其孤歸、數困於強豪、孤雯、予友也、爲予言曰、雯母師也、一室之內、十年之間、午夜篝燈、紡績聲、讀書聲、哭聲、三者而已、予聞之

泣泣然不自止。其後雯需先後成進士。雯填撫三吳。移撫黔。需在翰林。霖亦以文行選入太學。皆恭人所自教。年七十七。凡四晉封。以卒。恭人能文章。工詩。詩成輒焚棄。謂其孤無非無儀。惟酒食是議。詩之教也。孤弗敢弛。然猶傳其茹茶吟三十首。詠歌於士人。世之自以爲能詩者。莫能及也。文多後悉取其藁。燭之。今著其存者一篇。蓋恭人年七十時。里黨爲恭人壽。恭人以戒其孤之辭。辭曰。示雯輩。女昨來言。里中先進學校。鄉曲諸君子父老。謀欲醵錢置酒筵。合諸名家文詞。張屏帳。如前歲壽蕭太夫人。事將以壽吾者。此親串盛心。洽比雅事。吾烏能無感。然自度有甚不可者。今得詳

爲女曹言之。按禮婦人無夫者稱未亡人。凡吉凶交際之事不與。亦不爲主名。故春秋書紀履綸來逆女。公羊傳曰。紀有母。何以不稱母。母不通也。何休學云。婦人無外事。所以遠別也。後世禮意失。始有登堂拜母之事。戰國時嚴仲子自鴈羈政母前。且進百金爲壽。蓋任俠好交之流有所求而然耳。豈禮意當如是耶。吾自女父之歿於官。攜扶小弱千里歸。觀含艱履戚三十年餘。闔戶綿續。以禮自守。幸女曹皆得成立。養我餘年。然此中長有隱痛。每歲時。臘兒女滿前。牽衣嬉笑。輒忤忤心動。念女父之不及見。故或中坐歎息。或輟箸掩淚。今一旦賓客填門。羊酒塞路。爲未亡人稱慶。未

人尚可以言慶乎三十年吉凶交際之事不與知而今日更強
我爲主名其可謂之禮乎處我以非禮不足以爲慶適足增我悲
耳且我何可以蕭太夫人比也蕭太夫人年躋八十於古謂之上
壽蕭封君卽世不過十餘年爲白首夫婦女父之匹吾年未四十
今更三十一年亦僅古之中壽耳何可以蕭太夫人比且其子侍
讀君居里已十七年德望高善行被於鄉黨鄉黨德其子而慶及
其母宜也女曹中外薄宦偶歸里閭無善及人而亦偃然受鄉先
生里父老之捧觴拜跪其又何以爲情頃者米價翔湧邑井蕭然
親故素多貧乏若復合錢市糴爲米人進一日之甘未人更

辜。戾。是。懼。矣。汝。曹。官。於。朝。宜。曉。大。體。其。詳。思。禮。意。以。安。老。人。之。心。
爲。我。先。事。而。婉。辭。之。惟。勿。忽。也。其。遇。事。引。經。傳。以。合。乎。大。道。類。若。
此。此。皆。其。可。爲。傳。者。也。贊。曰。初。廷。敬。嘗。私。怪。雯。在。京。師。時。獨。久。從。
余。游。日。以。其。所。爲。詩。若。文。來。廷。敬。居。西。街。雯。亦。從。西。街。居。既。乃。知。
恭。人。之。教。命。然。也。昔。敬。姜。見。文。伯。之。友。降。階。却。行。奉。劍。正。履。召。而。
數。之。以。其。所。與。游。皆。媚。事。已。者。文。伯。謝。而。擇。友。引。稚。穉。捲。親。饋。事。
之。甚。至。君。子。謂。文。伯。之。母。備。於。教。化。予。於。友。無。能。爲。益。然。亦。自。信。
非。媚。事。人。者。是。以。恭。人。樂。得。爲。其。子。友。與。若。子。與。氏。見。俎。豆。揖。讓。
之。事。而。悅。之。母。曰。此。真。可。以。居。吾。子。予。不。敢。援。是。以。爲。比。也。恭。人。

之賢豈遂遠於孟母也。

此傳前只詳敘一事後乃備錄一文于事見其通變于文知其守禮皆可爲百世楷法

○翰林編修汪鈍翁墓誌銘

康熙二十九年十二月十日翰林編修汪琬卒。明年其學者爲狀。以其孤書幣走京師。乞銘於其友人陳廷敬。曰。先生治命也。公毋辭。予是以不辭而銘。先生字茗文。又字鈍庵。晚而天下學者皆稱曰鈍翁云。順治中廷敬在翰林。大宗伯端毅龔公以能詩接後進。先生與今宰相合肥李公天馥。今戶部侍郎新城王公士禎。吏部郎中穎州劉公體仁。監察御史長洲董公文驥。及海內名能詩之士。後先來會。顧予亦以詩受知龔公。日與諸子相見於詞場。先生初見予詩。大驚。語新城曰。此公異人也。蓋是時予年踰弱冠矣。先

生雖以詩與諸公游。實已歸然攬古文魁柄。自立標望。抗前行而排後勃。嚼鋒踏堅。騰踔萬夫之上。予既感先生知己之言。又方年少志銳。雅不樂以詩自命。至是始學爲文。先生又語人曰。我固以爲異人也。龔公既歿。諸子或散去。或畱。其後先生以戶部主事病免歸長洲。廷敬嘗侍。

上禁中。問今能爲古文者誰與。輒舉先生以對。先生方臥堯峯。不肯起。學者又皆稱堯峯先生。王公以戶部郎中召見懋勤殿。曰。廷敬與俱來。各以所爲詩來。既進見退。畱臣問士禎學行。明日改翰林侍讀。自是上銳意倚用文學之士矣。詔舉博學鴻儒。廷敬遂

詩文兩入○家○皆○山○光○生○以○遊○于○上○

臣制

○特○議○此○商○語○

奏疏薦先生。兵部尚書宋公德宜亦別爲疏。同日以薦。而余以母夫人憂去京師。有司敦迫先生以來。實康熙十七年也。明年詔試。上親拔其文。授翰林編修。與修明史。先生旣以道德文章爲已任。由是有側目之者。益思歸故山。在史館六十日。撰史彙百七十五篇。杜門稱疾者一年。以病免而歸。歸十年而卒。年六十有七。始先生以孤童自奮讀書。一目能五行。俱下。盡三編不忘。順治十一年。經魁其鄉。明年舉進士。時進士觀政於諸曹。先生以二甲得通政。未幾假而歸。研古纂辭。一掃絕今文陋跡。嘗慨然念前明隆萬以後古文道喪。沿溯宋元以上。唐韓柳宋歐蘇迄明之唐應德王道。

思歸熙甫諸家蓋追宗正派而廓清其夾雜不醇者卓然思起百
數十年文運之衰此先生之志也自戶部福建司主事分司大通
橋歲滿進雲南司員外尋改刑部河南司遷山東司郎中以例降
北城兵馬司指揮轉戶部山西司主事遷權江寧西新倉還而歸
臥堯峯也凡職事之餘無時不以古文自娛而四方賢
士大夫苟知文之可貴求爲金石鐫刻傳敘之作以示後裔附不
朽者惟先生是歸先生由文見道務爲經世有用之學故向所歷
京朝官及一再分司皆有名蹟可稱紀爲刑部郎時河南巡按御
史覆奏部民張潮兒手格殺其族兄生員三春罪當死詔法司

核議先生以潮兒母先爲三春所殺宜下御史復訊爲復讎論引律文祖父母父母被殺而子孫擅殺行凶人者杖六十又引罪人本犯應死而擅殺者杖一百爲據他疑獄必援經附律務毋枉縱降而爲兵馬指揮也不變易剛直閣學某公欲并其鄰人居會鄰人之母自經死閣學欲因以重其罪巡城御史故閣學所取士也以之屬先生先生卒辨其枉誣閣學怒必欲置鄰人於理先生毅然爭於同官同官欲上問事乃得解旗人與民爭縛民至司其黨數十人皆偃仰臥踞廳事中官出視事岸然屹不動先生舉手讓眾人厲聲言曲在民當盡法若曲在旗敢厲民乎卒直民而懲旗

人○關○壯○繆○廟○道○士○弟○子○爲○人○所○殺○無○主○名○禱○於○神○神○告○以○夢○鞠○一○
瞽○者○得○其○情○其○人○匿○西○山○中○雜○逮○徒○黨○與○督○索○之○遂○正○厥○辜○道○路○
死○暴○尸○者○親○爲○收○瘞○答○治○奸○民○之○以○假○命○噬○人○者○懲○豪○家○奴○以○勢○
凌○脅○人○者○當○任○滿○且○去○空○北○城○民○炷○香○於○道○提○酒○漿○送○者○填○溢○衢○
巷○當○道○大○官○呼○殿○至○者○擠○塞○不○得○行○問○之○曰○民○送○兵○馬○司○也○兵○馬○
司○秩○卑○而○職○冗○士○大○夫○左○官○於○此○往○往○僵○蹙○不○屑○其○事○故○前○此○無○
得○民○心○至○去○時○請○留○遺○愛○如○先○生○者○也○及○再○入○戶○部○部○設○左○右○餉○
司○先○生○在○左○司○尚○書○王○公○宏○祚○以○郎○拜○侍○郎○晉○秩○正○卿○故○嘗○物○色○
諸○郎○雅○重○先○生○曰○君○異○日○當○繼○此○席○也○先○生○亦○感○王○公○言○盡○心○郎○

事勾校。邇年存貯錢糧。得移文十四司及右司會戶科都給事中姚君文然疏言。夏稅以五六月。秋糧以九十月。請下部察糧項。果足充一季兵餉。則緩徵實便。於是先生大集諸司。窮日夜會計。得存貯銀二百四十萬兩有奇。以復於王公曰。兵餉可以無虞。而緩徵可行矣。退而緝其遺意。撰爲兵餉一覽。書成。朝議格不行。書置篋。衍中先生曰。異日有爲緩徵之政者。吾書可取而視也。議民輸糧加漕。贈外五米十銀。爲官收官兌法。而旗弁之橫息。議裁吳三桂兵餉。以充國用。而強藩之勢沮。其端皆先生發之。分司於北。則條議三閘及車戶利弊數事。分司於南。則上其羨餘金如千一。皆

洗○手○蒞○事○有○潔○清○名○世○徒○目○先○生○爲○文○章○之○士○豈○知○其○施○於○用○者○
卓○卓○自○持○守○樹○立○有○如○此○哉○先○生○性○狷○介○雖○交○游○天○下○賢○人○文○士○
而○庸○衆○人○往○往○不○悅○其○所○爲○深○中○者○尤○忌○畏○之○以○故○自○登○仕○籍○前○
後○退○而○閒○居○者○二○十○餘○年○雖○其○不○合○於○流○俗○亦○先○生○泊○然○有○以○自○
樂○於○中○也○自○史○職○歸○也○日○手○一○編○書○窮○年○矻○矻○若○爲○諸○生○攻○苦○者○
客○問○之○曰○吾○老○猶○冀○有○所○得○也○四○方○賢○士○從○遊○請○業○者○日○益○衆○爲○
設○科○以○誨○之○使○學○者○悠○然○以○得○快○然○以○解○如○春○風○時○雨○也○世○有○知○
先○生○所○張○設○於○時○者○如○彼○豈○知○其○歸○而○老○也○以○其○所○自○得○使○人○各○
得○其○所○得○有○如○此○哉○以○先○生○之○才○所○施○於○隱○見○之○際○者○於○世○賢○豪○

之士不無觖望。而先生之所自得者固亦已厚矣。惟上重念文學砥行之儒。嘗論本朝人物。首稱數先生。則先生之所以自得者。亦不可謂徒然已矣。予自踰弱冠。與先生游。旣數年而別。別而復合。又別十年。而先生歿。始終之際。先生惓惓於予者。是豈可漠然忘於心也哉。先生先世徽州人。明初葉遷蘇州。隸衛官籍。曾大父禧。萬歷丙子舉人。贈中大夫。江西右參政。大父起鶴。贈參政公。第三子有文名。父膺。天啓丁卯舉人。贈奉政大夫。刑部郎中。妣徐贈宜人。先生喪父方十。有一齡家貧自立。爲世大儒。賢矣哉。子男五人。長筠。諸生。次蘅。殤。次是穉。監生。次穀。詒廩膳生。次景。蘇。殤。女

四人皆嫁士人其學者顧君希喆實爲狀賢而有文者也銘曰
生不夔臯顯且顛仕以樂行否已焉退斯進學文乃傳惟汪夫子
僉謂然五湖欽心嶽嶽賢斗杓所建四氣旋漢津海梁迴狂瀾霧
霧披挾光晶穿末流俗學相蝕緣取青婉白子所憐遺經獨抱老
愈專迥如一手障百川生徒婉變相後先宗鱗集翼風氣還天長
地極元會殘斯文不沒星芒寒鄙夫斯寬薄者敦我光銘石永不
鐫

鈍翁先生國朝古文第一手也故起首從交情說起而第二段
特表其文語極鄭重卽其政事卓絕處亦從文章推出故中間

極爲揚厲而指歸仍自判然末言有所自得則更進一層矣文
筆雅健清適亦極似堯峯集中得意文字

○故中憲大夫江西提刑按察使司按察使塗公墓誌銘

順治六年歲在己丑冠犯上黨河南兵備副使分巡河北道容宇塗公死於其職○

天子加恩卹贈光祿卿諭賜祭葬於鄴廕其一子曰應泰入監讀書初出知江南廣德州用薦擢知福建汀州府遷長蘆都轉運使○應湖廣布政使司參政分守湖南道陝西按察使司廣西右布政使以罍誤去任起補江西按察使司坐小法免公爲人質直坦易而勇於有爲起家州郡○應階兩司所在有能聲其大要在弭盜息民折衷於剛折柔廢之間雖不爲鉤距擿發之行而豪右兼并奸○

究竊發輒捕鞫無所容其有不便於民者如疾痛痾癢之在身必求蠲除而後已卽沮格成例齟齬上官不顧也知汀州時海氛方熾山寇乘閒剽掠公率鎮兵四出討賊巨寇奸猾斂跡不敢入境一郡晏然秦中鎮兵獷悍難制番人肆虐尤甚公至按其驕橫者置於法鎮將亦屏息聽命莫敢枝梧湖南寶慶衛承三郡舊食粵鹽相距郴嶺道遠價貴民多食淡者公爲力請得改淮鹽若爲令夫人之才如水也刃也均堂之水不能運芥舟族庖之刀不能中肯綮公所守多劇郡又乘兵燹蹂躪之餘於閩中總攝巡道司馬別駕司李諸事於九江又兼署驛傳鹽法藩司諸篆當是時獄訟

簿書徵發期會。鱗分蝟集。拙者當此。袖手懼傷。而公泛應猝辦。處之若無事。如利器之發新硎。江湖之負大瓠。茫茫乎其無津涯也。恢恢乎其有餘地也。非夫內重外輕。神定天全。而才餘於事者。其能勝任而滿志耶。公行三字天交。世居遼東鐵嶺衛。祖諱必達。天啓甲子。舉人陝西宜君縣令。父光祿容宇公諱廓。皆以公貴。覃恩贈中憲大夫。如公官。祖母孫氏。母王氏。暨公原配完氏。俱封淑人。繼配金氏。崔氏。汪氏。子二。中坦。邑庠生。中培。太學生。女二。長適庠生朱中山。次適候補縣丞張國琦。孫三。錦銓。奎。孫女一。卒於康熙三十三年甲戌三月初十日。春秋七十有二。越三載卜兆於都城。

東便門外高北店之南原孤中坦具行狀請銘於余余惟公光明
俊偉之概磊落果毅之才治行卓然可方兩漢諸良吏皆不容無
傳也乃爲之銘銘曰

佳城鬱鬱漳水蟠忠魂來遊驂紫鸞南州巷哭畱餘酸山河氣壯
隨朝元有子鵬鸞登大官素絲五馬垂朱繁統轄郡縣多凋殘龔
黃爲易公爲難精強練敷指腎肝腰懸弓韞身據鞍福我人民摧
豪奸晚乃斂退才木殫太行北走紛巖巖如堂封閉松楸寒撰公
遺蹟鐫琅玕藏之幽篋永不刊

此題入他人手洋洋可以數幅此只以一段了之而議論復多

于敘事其操縱伸縮皆非凡手所能而文品亦于是爲貴

○吳梅邨先生墓表

蘇州郡治西南三十里西山之麓有壙。畢如者詩人吳梅邨先生之墓也。先生宦達矣。行事卓卓著於官。而以詩人表其墓者。從先生志也。

○尚○見○

先生諱偉業。字駿公。晚自號梅邨。五世祖凱。前明永樂間舉孝廉。官禮部主事。年三十以養親乞歸。遂不出。世稱貞孝先生。高祖愈。成化進士。官河南參政。並見吳中先賢傳。世居崑山。曾祖南。以善書授鴻臚寺祖議。始遷太倉。父珉。能文。祖父皆受先生封。爲中憲大夫。先生少聰敏。年十四能屬文。里中張西銘先生以文章提唱後學。四方走其門。必投文爲贄。不當意卽謝弗納。有嘉定

富人子竊先生塾中藁數十投西銘。西銘讀之大驚。後知爲先生作。固延至家。同社數百人皆出先生下。弱冠舉於鄉。爲崇禎辛未科會試第一人。廷試第二。授編修。是時年二十三耳。制辭云。陸機詞賦。早年獨步江東。蘇軾文章。一日喧傳天下。當時中朝士大夫皆以爲不愧云。崇禎中黨事尤熾。東南諸君子繼東林之學者。號曰復社。虞山以東林之末響。爲復社先。而先生西銘高弟也。西銘旣爲復社主盟。先生又與西銘同年舉進士。故立朝之始。遂已大爲世指名。當是時。淄川張至發。烏程黨也。繼烏程而相。剛愎過。烏程先生始進。卽首劾淄川。奏雖淺不行。其黨皆側目。頃之遷南京。

國子監司業時黃道周以事下獄先生遣監中生涂某賁表至京。涂伏闕上疏申理道周黨人當軸者以爲先生指使將深文其獄。以中先生會其人死乃已旋奉使河南封藩丙子典試湖廣當時號得士尋遷中允諭德丁嗣父艱服除會南中立君登朝一月歸。本朝初搜訪天下文章舊德溧陽海寧兩陳相國共力薦先生以秘書院侍讀徵轉國子祭酒尋丁嗣母憂歸於家時年四十五先生旣無意於時年力尙強閉戶著數千百言而尤以詩自鳴悲歌感激有不得於中者悉寓於詩時東澗在虞山先生居婁東皆以詩倡海內海內宗之稱吳中二老余生稍晚不及見兩先生讀兩

先生詩如授教焉。虞山之後無聞矣。而先生令子給事中。暇以詩世其家。甲申。余薦於朝。遊余門。與論詩相得也。丙戌冬。丁其生母。米安人艱。將合葬。泣而來請曰。先人治命云。吾詩雖不足以傳遠。而是中之寄託良苦。後世讀吾詩而能知吾心。則吾不死矣。吾死以巾服殮。吾性愛山水。葬吾於靈巖鄧尉間。碣曰。詩人吳梅邨之墓足矣。不者。且不孝。暇不忍違先志。敢請一言以表之。按先生生明萬歷己酉。以康熙辛亥卒。年六十三。元配郁氏先卒。子三。暇隣。皆朱安人出。女子九人。朱安人以康熙四十五年丙戌七月二十六日卒。與郁夫人皆祔葬於先生之墓。是爲表。

梅邨與牧齋皆以文章著碩失節 本朝然牧齋生平人多訾
之梅邨則人悲其遇而猶諒其心讀此文一起一結固了了見
大意矣敘次修潔文格在歐王之間